



Stai Zitto, musika taldea:

## **“Jendeak gurekin disfrutatzen du, baina gehiago disfrutatzen dugu guk”**

Euren izena Euskal Herriko edozein txokotan entzun daiteke azken aldian. Stai Zitto dira, “egon ixilik” italieraz. Baina ez dira italiarrak, Ermua, Mallabia eta Eibarkoak baizik. Gaztea Maketa Lehiaketan Entzulearen Saria jaso berri dute publikoarekin sortzen duten kimika berezia berretsiz eta orain herriz herri ibiltzeko sasoia iritsi zaie. Eurak Maialen Arrizabalaga (ahotsa), Danel Ferreño (bateria), Axier Uranga (baxua), Asier Cascan eta Andoni Conde (gitarra), Xabier Martin (tronboia), Julen Rodriguez (tronpeta) eta Gorka Martinez de Lagos (saxofoia) dira. “Tropa bat gara!”.

- **Gaztea Maketa**  
**Lehiaketan Entzulearen**  
**Saria jaso duzue. Hori**  
**publikoak aukeratzeko du**  
**euren botoen bitartez.**  
**Zuen musika gustatu zaien**  
**seinale?**

Baietz dirudi. Esan beharra dago, hala ere, ezagun askok eman digula botoa. Asko mugitu gara sare sozialetan eta abar, nolabaiteko promozioa egin dugu. Ahoz ahozkoak asko balio izan du, baina ez digute lagunek bakarrik bozkatu, gure musika zabaltzen joan delako eta jendeari gustatu egin zaiolako. Orain Ermutik kanpo ezagutzen gaituzte eta, bitxitasun moduan, unibertsitatean Maialenen lagun bati norbait joan zitzaion esanez Stai Zittoren alde bozkatu behar zuela. Eta berak: "Nire koadrilakoa da ba abeslaria!".

**-Zuentzat zer suposatu du horrelako lehiaketa batean parte hartzeak?**

Oso positiboa izan da esperientzia. Jende asko ezaugu dugu, musika ezberdinak entzuteko aukera izan dugu eta finaleko guztia bizitzea izugarria izan da. Gainera, Gazteak antolatutako lehiaketa batean parte hartzeak suposatu du taldearen izena jende askoren begien aurrean jartzea eta, adibidez, edozein herritan kontzertua eskaintzen badugu, norbaitek agian izena gogo-



ratu eta hurbilduko da gu ikustera. Egia esan, orain kontzertuak egiteko aukera gehiago irten zaizkigu.

- **Gaztea Maketa**  
**Lehiaketan parte hartzea**  
**inflexio puntua izan da**  
**Stai Zittoren ibilbidean?**

Bai, duda barik. Gure ize-  
 na irratan entzun da, Entzulearen Saria jaso dugula eta abar esanez, eta hori gure-  
 tako demaseko oparia da.

**- Opariez berbetan, 2.000**  
**euroko saria gustatu**  
**duzue?**

Ez, oraindik ez dugu jaso! Gainera ez dira 2.000 izango, zergak kenduko dizkigute-eta! (barreak) Hala ere, badakigu zertan gastatu: materialean. Musika munduan ibili nahi baduzu eta soinu ona egin, prezio altua ordaindu behar duzu materialarengatik. Beraz, asko eskertzen ditugu 2.000 euro-

ak. Orain arte dirua ipini besterik ez dugu egin (materiala, diskoa, lokalaren alokairua...), ezer irabazi gabe, baina buelta etorriko dela pentsatzen dugu eta jarritako dirua inbertsio bezala ikusten dugu. Diskoa grabatzeko, adibidez, dirua ipini behar izan genuen, baina emaitza ikusita, merezi izan du.

**- Nola sortu zenuten Stai Zitto?**

Gehienak aurretik ezagutzen genuen elkar. Lehen proiektu bat geneukan (Rock&Road) eta beste hiru gehitu genituen taldera Stai Zitto sortuz. Beraz, taldea ez zen hutsetik hasi, lehenik ere bageneukalako esperientzia.

**- 2013an eman zenioten**  
**sorrera Stai Zittori eta**  
**ordutik hona diskoa grabatu,**  
**Gaztea Maketa**  
**Lehiaketan Entzulearen**  
**Saria jaso... hasiera indartsua.**

Bai. Lan handia egin dugu hasieratik, lehenik diskoa grabatzeko, gero lehiaketan. Gure lehen helburua

diskoa grabatzea zen, horrela gure burua aurkezteko zerbait izango genuelako. Lehiaketari buruz jakin genuenean, ia pentsatu gabe, parte hartzeko erabakia hartu genuen.

**- Gaztetasunak ematen duen**  
**ilusioarengatik**  
**agian?**

Bai, izan daiteke. Epaimahiak Maialeni esan zion, adibidez, publikoa mugiarazteko ahalmena geneukala eta hori puntu garrantzitsua zela.

**- Lehen sare sozialak aipatu dituzue. Zuen abestiak**  
**Youtube bezalako plataformetan daude entzungai. Zer deritzozue?**

Talde txikientzat ezinbestekoak dira horrelako plataformak gaur egun, bestela 'hilda' zaude. Jendearengana heltzea oso zaila da. Txosna, taberna, festa edo bestelakoetan mugituz eta zure musika saltzen saiatzen zara, edo akabo. Are zailagoa da guretzat, herri txiki bateko talde batentzat. Internetekin, ordea, klik batean edozein talde entzun de-

**"Pentsatu eta sentitzen**  
**dugun moduan adierazten**  
**ditugu gauzak"**



Drogeteniturrri, 234 zkia.




**SISTEMA ELEKTRONIKOEN GARAPENA**  
**DESARROLLO DE SISTEMAS ELECTRONICOS**  
**ELECTRONIC SYSTEM DEVELOPMENT**

ZERMIK INGENIERIA S.L. mikrokontrolatzaile bidezko diseinu elektronikoak garatzen espezializatua dagoen ingeniari-tza-enpresa da. Horrez gain, LabVIEW-ren bitartez sistema industrialen kontrola eta monitorizazioa bideratzeko gaitasuna ere badu.

[www.zermik.com](http://www.zermik.com)

Usaetxe plaza 6-8, behea  
 Arrasate-Mondragón (Gipuzkoa)  
 Telf: 943 23 10 12

zakezu. Izugarria da hori. Gainera, musika zabaldu eta elkarbanatzeko tresna ona eta doakoa da.

- **Ermuan, txikia bada ere, musikari eta musika talde asko dago. Zergatik dela uste duzue?**

Ongarain dauden entseguetarako lokalek asko egin dute zentzu horretan. Azken finean, entseguetarako toki bat edukitzeak, zarata-rengatik arduratu gabe, orduak sartzeko aukerarekin... jarraitzeko gogoia ematen dizu. Kanpotik etorri diren askok aipatu digute oso azpiegitura onak dauzkagula. Lokalak sortu baino lehen Ermuan bazegoen talde asko, baina lokalak egoteak

suposatu du musika egin nahi duen gazte asko batzea eta hortik hainbat proiektu sortzea, agian lokala eduki barik irtengo ez zirenak.

- **Izena italiarra duzue eta abestiak euskaraz zein gazteleraz egiten dituzue. Nolako izaten da sortze prozesu hori?**

Momentuaren arabera. Letrak Maialenek egiten ditu. Gu musika jotzen hasi eta berari zerbait euskaraz irteten bazaio, ba euskaraz; gazteleraz irteten bazaio, ba gazteleraz. Adibidez, 'Cinco sentidos' abestia Andaluzian idatzi zenez, gazteleraz dago, momentuan horrela irten zelako.

## "Ahoz ahokoak asko balio izan du, baina ez digute lagunek bakarrik bozkatu"

- **Zer abesten diozue?**

Bizitzari, musikari, lagunei... inguruan dagoenari.

- **Letrak, beraz, zuei lotuta daoz.**

Bai, beti saiatzen gara gauzak garen moduan egiten. Pentsatu eta sentitzen dugun moduan adierazten ditugu gauzak. Hala ere, oso zorrotzak gara eta dena justu nahi dugun moduan irtetea da gure asmoa.

- **Taldean zortzi kide izanda, erraza da hori?**

Esan beharra dago diskoa grabatu genuenean sei ginela eta bat taldean sartu berritan zela. Horrek prozesua erraztu zuen erabakiak hartzeko orduan. Ondo moldatzen gara eta ez dugu arazo handirik edukitzen abestiak egiterakoan, gauza puntualetan bakarrik.

- **Disko berria egitea daukazue buruan?**

Bai. Hasi gara zerbait egiten eta ideia asko dauzkagu, baina denbora behar da. Momentuz grabagailua erosi dugu bururatzen zai-guna grabatzeko.

- **Denak ikasleak zarete. Stai Zitto afizio moduan hartzen duzue edo zerbait gehiago da?**

Ez da guztiz profesionala, baina ez da afizioa bakarrik. Ondo pasatzen dugu, bai, baina aurrera jarraitzea nahi dugu. Taldearekiko konpromisoa daukagu eta oso gustura gabilta.

- **Nola daukazue kontzertuen agenda?**

Kontzertu batzuk zehaztuta ditugu eta beste batzuk konfirmatzeke, baina uda hasi baino lehen 5 edo 6 kontzertu eskainiko ditugu.

- **Nolakoak dira Stai Zittoren zuzenekoak?**

Indartsuak! Jendeak disfrutatu egiten duela ikusten dugu oholztatik, baina seguru guk gehiago disfrutatzen dugula.

Ekhi Velar



## AMAIA HARATEGIA



**Bertoko Okelak**

Probaleku 5  
Tfnoa. 943 17 05 84

**Ermua**

**es**  
**egolek**  
electrizitatea  
iluminazioa

M. de Valdespina 14 · ERMUA  
943 17 00 61 · egolek@hotmail.com

Komunitateak

**San Pelayo**

Aholkularitza  
juridikoa

Tel./Fax. 943 17 15 65 / 943 17 25 04  
San Pelayo 6-A (Eroski gainean) 46 P.K. - Ermua

aral97.com  
**aral**

Telf.: 943 17 60 75

**banatzaile ofiziala**

|                      |                      |                    |
|----------------------|----------------------|--------------------|
| - Luis Cañas familia | - Pazo Señorans      | - Txakoli Akarregi |
| - Añada Real         | - Vicente Gandía     | - Milana           |
| - Vllera taldea      | - Oriol Rossell      | - La Loca Juana    |
| - Gomez Cruzado      | - Astobiza txakolina | - nítida           |

aral@aral97.com - Pol. Ind. Goitondo Golekoa Parcela Pab. 1 - Mallabia

**OUTUMURO**  
**Kafetegia**

Kafe eta tarta bereziak  
Aukera handia **TE eta INFUSIOETAN**

Astelehenetik ostiralera 9etan zabaltzen dugu